



Broj: T18 0 KT 0017722 24
Brčko, 18. jun 2024 godine

Na osnovu člana 35. stav 1. tačka h) i člana 226. stav 1. Zakona o krivičnom postupku Brčko Distrikta BiH, p o d i ž e m:

OPTUŽNICU

Protiv:

M. S. (...)

Što je:

U vremenskom periodu od 17.03.2024. godine do 25.05.2024. godine u Brčkom, s ciljem pribavljanja protivpravne imovinske koristi, nalazeći se u stanju smanjene računljivosti zbog njegovih specifičnih karakteristika ličnosti koje su trajne i zbog zloupotrebe psiho-aktivnih supstanci i alkohola, izvršio krivična djela krađe i teške krađe i to:

1. Dana 17.03.2024. godine u neutvrđenom vremenskom periodu, u mjestu Brka broj ..., Brčko distrikt BiH, s ciljem pribavljanja protivpravne imovinske koristi, svjestan i u namjeri da oduzme tuđu stvar, iskoristio nepažnju Š. K. i iz njegove torbice koja se nalazila u dnevnom boravku oduzeo novac u iznosu od 1.500 EUR-a, nakon čega je otišao u kazino „Vegas“ u ulici Miroslava Krleže, Brčko distrikt BiH potrošio jedan dio novca, da bi nakon intervencije policijskih službenika, vratio oštećenom iznos od 900,00 EUR-a,

dakle, tuđu pokretnu stvar oduzeo drugome s ciljem da njenim prisvajanjem pribavi sebi protivpravnu imovinsku korist,

2. Noću 22.05.2024. godine oko 02,25 sati u Brčkom, u ulici Bulevar mira na broju ..., došao do zlatare „Dokić Filigran“, s ciljem pribavljanja protivpravne imovinske koristi, svjestan i u namjeri da oduzme tuđu stvar, podesnim predmetom – čekićem, razbio staklo na izlogu nakon čega je iz unutrašnjosti izloga oduzeo veću količinu vrednijeg zlatnog nakita i to 12 zlatnih lančića – žuto i bijelo zlato, 3 para zlatnih naušnica, 15 zlatnih prstenova – žuto i bijelo zlato, 10 zlatnih narukvica – bijelo i žuto zlato, čime je za sebe pribavio znatniju imovinsku korist, s obzirom na brojnost otuđenih predmeta, njihovu težinu i trenutnu vrijednost zlata a vlasniku B. Đ. nanio znatnu materijalnu štetu u ukupnoj stvarnoj vrijednosti kompletnog nakita u iznosu od 87.361,50 KM,

dakle, provaljivanjem da dođe do stvari iz zatvorenih prostorija, tuđe pokretnine oduzeo drugome s ciljem da njihovim prisvajanjem pribavi sebi ili drugome protivpravnu imovinsku korist,

3. Dana 24.05.2024. godine oko 13,35 sati u Brčkom u ulici Stari rasadnik broj ..., s ciljem pribavljanja protivpravne imovinske koristi, svjestan i u namjeri da oduzme tuđu stvar, ušao u dvorište vlasništvo S. V, te iskoristio njegovu nepažnju i sa stola ispred kuće oduzeo njegov mobilni telefon marke „Samsung Galaxy A10“, plave boje, sa dvije sim kartice pretplatničkih brojeva ... i ..., vrijednosti oko 100,00 KM, čime je za sebe pribavio protivpravnu imovinsku korist, a vlasnika oštetio za navedeni iznos,
4. Dana 24.05.2024. godine oko 15,33 sati s ciljem pribavljanja protivpravne imovinske koristi, svjestan i u namjeri da oduzme tuđu stvar u ulici Mostarska broj ..., Brčko distrikt BiH, ušao u kuću vlasništvo B. Š., te iskoristio njegovu nepažnju i nepažnju njegovih ukućana iz kuće oduzeo

tablet marke „Samsung“, telefon marke „Samsung“ i ručni sat marke „Ybotti“, ukupne vrijednosti oko 470,00 KM čime je za sebe pribavio protivpravnu imovinsku korist, a vlasnika oštetio za navedeni iznos,

5. Dana 25.05.2024. godine oko 10,10 sati, s ciljem pribavljanja protivpravne imovinske koristi, svjestan i u namjeri da oduzme tuđu stvar došao u ulicu Braće Kobića, kod česme, Brčko distrikt BiH, iskoristio nepažnju M. O. dok je M. sipao vodu sa česme, oduze sa bicikla njegovu torbicu, u kojoj se nalazila lična karta, čekovna kartica, novac u iznosu od 50,00 EUR-a i 50,00 do 60,00 KM i mobilni telefon marke „Samsung“ vrijednosti od oko 300,00 KM, čime je za sebe pribavio protivpravnu imovinsku korist za koju je oštetio vlasnika M. O.,

dakle, tuđe pokretnine oduzeo drugome s ciljem da sebi pribavi protivpravnu imovinsku korist,

čime je, radnjama opisanim u tačkama od 1 – 5 počinio produženo krivično djelo – Teška krađa - iz člana 281. stav (1) tačka 1) u vezi sa članom 55. Krivičnog zakonika Brčko distrikta BiH.

[...]

Ovom objavom ne prejudicira se ishod krivičnog postupka i ne narušava princip presumpcije nevinosti.
Svako se smatra nevinim dok se pravosnažnom presudom ne utvrdi njegova krivica.
